

湯子遺書



湯子遺書卷八目錄

江西嶺北參政公移與益忠事

嚴禁參謁事類因事

曉諭事

嚴飭防禦以靖地方事莫且土事

嚴禁溺殺子女以全天性以厚風俗事

崇祀先賢以昭景行事

遵諭敬陳南贛險隘並陳設防機宜事

急諭流民歸業開墾荒田以奠民生以足國

蠲用事

湯子遺書卷八目錄

嚴禁餽送請託以肅吏治事

嚴禁邪教以正風俗以遏亂源事

嚴禁假名營債倍利坑貧以甦殘黎事

舉行月課以興學育材事

嚴禁焚燬屍骸以厚風俗事

招徠流亡修復故居以奠民生事

修復書院以重道源事

禁革陋規以甦民困事

嚴禁停舟僻地以免盜患事

嚴飭操練以資守禦事



由嚴城守門禁監獄以防不虞事

纂修郡乘以彰文獻事

查取先賢遺文事

援師大獲奇捷海逆殲遁無遺亟示曉諭以

安民心事

戢虎暴以除民害事

塘報事

嚴飭塘報賊情事

開報事

錢糧不容冒支懇准確查造報等事

湯子遺書卷八 目錄

緝解賊總以靖地方事

弑叔異冤事

殺死弟命事

特申畫一之法以振積玩以清案牘事

超豁罪贖事

銷算順治十六年分兵馬錢糧事

申嚴門禁以重城守事

急催官員賢否事

下吏受過有由恩詔之赦款允協等事

敬陳文造之詳備述收歸之便等事

僉選殷丁等事

嚴禁行使低假銀色事

申嚴城守以重封疆事

申飭清獄事

嚴禁宰殺耕牛以重農務事

曉諭事

申嚴城守以專責成以防不虞事

大盜劫獄可駭等事

查勘隘要地方量設官兵防汛以靖寇源事

飛報事

湯子遺書卷八 目錄

三

屬邑告警相仍郡城無兵可慮密請酌定額

畫以靖地方事

時勢難支懇請防兵以保城池以固根本事

頒恩申詳留兵永鎮以固上游以靖地方事

請旨發審事

打死人命事

活活打死人命事

土霸魍魎鄉民塗炭等事

出巡事

飛報鄉兵奮勇等事

堂上萬里下情難達等事

拏獲假冒大兵沿鄉淫擄事

申報逃兵等事

迅報異亂事

打死驛卒事

活活踢死人命事

申報防兵殺死印官僕命事

移會查驗偽首事

活活打死人命事

緝解賊總以靖地方事

湯子遺書卷八 目錄

移會查驗偽首事

海逆肆犯有年訛言浪傳無忌曉諭官民勿

聽眩惑以定人心奉憲曉諭事

恭陳裁併未當糧務遠攝非宜敬陳一得仰

祈睿鑒以重國計以安民生事

敬陳鹽政壅滯之由併酌因時疏通之法仰

祈睿鑒以裕課餉事

移會查驗偽首事

移會查驗偽首事

藩差騷擾驛遞兵丁凌辱印官仰祈睿鑒事

錢糧不容冒支懇准確查造報設立良法以垂永久事

湯子遺書卷八目錄

五

垂永久事

錢糧不容冒支懇准確查造報設立良法以垂永久事

湯子遺書卷八

江西公牘

睢陽湯斌

潛菴

江西嶺北參政公移

嚴禁參謁事

照得本道賦性孤介夙夜飲冰惟知上畏 功令
下畏民畧一切繁文縟節深所厭絕故途中屬縣
具稟迎接一槩原文發回但本道蒞虔在邇誠恐
各屬不肯啟修實政仍襲舊例擅離城守遠事參
謁妨廢政務貽誤地方殊爲不便合行嚴禁爲此
仰府官吏卽轉行所屬各縣當念地方遼闊城有
湯子遺書卷八 江西公牘

荆榛山有伏莽務要殫精惕勵蚤夜維勤使民生
日遂民性日復以副本道期望之意憲綱冊城圖
誌書候本道到任之日差人投遞如有不遵禁約
仍來參謁定提吏重責決不相貸文到卽令各具
遵依報查毋違

曉諭事

照得南安爲江粵要衝往時商賈喧闐貨物輻輳
今歲傳聞有靖南王移鎮西蜀駕由豫章故客商
恐封備船隻裹足不前卽居民亦慮供應繁難惶
惶靡定今本道接閱邸報見戶部一本爲移鎮在

卽等事奉 旨靖南王仍留廣東已有旨了欽此
合行曉諭爲此示仰客商居民人等知悉從前封
船皆因候迎王駕今已留鎮廣東此後縱偶有官
兵過往需舟有限况海氛蕩平江淮甯謐巨艦長
帆通行無礙爾商民各宜安心樂業勿得似前驚
惶自誤生理未便
嚴飭防禦以靖地方事

照得司牧以安民爲本安民以弭盜爲先蓋萑苻
之衆聚則桑麻之野荒虔南壤鄰閩粵風鶴時警
且巖峒深密姦宄叢伏嚴查保甲以清其源操練
湯子遺書卷八 江西公牘

江西公牘

二

鄉勇以待其發屢經各臺申飭真不啻詳且切矣
而所屬實心遵行者固有虛應故事者實多巨擘
藏匿漫無覺察強賊操弓挾矢燒房劫掠頻頻見
告不知印捕等官分防兵將所司何事合通行申
飭爲此仰府縣官吏查照牌內事理督率巡捕員
役移會分汛官兵不時在於該管地方巡邏哨探
務得賊之來蹤去跡互相傳報遇有竊發相機邀
截迎務期盡獲仍飭保甲人等體守望相助之意
平日互相稽察聞賊聲息接聯傳警協力夾攻把
截隘路盡行擒緝勿使出境遠遁一應未盡機宜

悉聽從長區處若該府廳縣能設布方略使盜賊
落膽疆圍甯靖本道卽特報各院力請薦揚斷不
慳吝以灰任事之心若駐防兵丁能電追颺馳當
場擒獲真正賊首者飛報本道重加獎賞所獲器
械馬匹盡數給領若係汎兵行劫而能自相舉首
者准與紀功若其黨類真心悔過自行投首者宥
其前罪一體重賞該府廳縣明張印示遍行曉諭
使人人知爲盜有必死之法擒盜有必得之賞窩
賊者身亡家滅告窩者獲榮名厚利誰得誰失宜
何去何從也至於防兵借端騷擾擅拏良民希圖
湯子遺書卷八 江西公牘

報功包歇村婦酗酒賭博遇盜生發坐視不救者
軍法具在若狡玩捕役妄拏鄉愚及容賊誣扳嚇
詐財物並賣放真賊者依律究治若保甲人等不
從公舉挾私誣盜審實以法懲處印官養癰貽患
立刻揭參 功令森嚴毋自貽誤文到先具遵依
仍每月具有無失事印結投道查考俱無違錯
嚴禁溺殺子女以全天性以厚風俗事

竊聞人類莫親於父子父子之親本於天性而五
品三物由此肇修教化風俗因之美厚古人幼子
不答壯子不詈誠以父子主恩彝倫根柢乎是降

及後世乃有沈湛兒女之事嗚呼噫嘻親殺其子而中情不但推此而昆季豈不可推刃推此而族黨豈不同寄物獷狼嗜殺亦復何極安得不盜賊滋多刑獄放紛乎不謂虔南猶有此風夫舐犢之愛不可割乳虎之威不可犯異類猶然如人之無良而反不如一物失常尙謂不祥今或父子相殺其爲妖孽禳祥莫大於此而恬不爲怪不亦異乎昔之賢大夫所以不按城南殺人大盜而先按城北殺子婦夫誠知化理之本也本道已廉其弊端起於習俗狃利娶婦之家校量匱資人遂以女爲湯子遺書卷八

江西公牘

四

厭物貧民恐其育鞠復以減口爲添糧至計除一面與賢士大夫酌定聘嫁之式裁爲一書與士民永守勿替外合先立法嚴禁爲此示仰城鄉各色人民知悉嗣後各念兒女皆祖妣枝葉滿死兒女不獨不慈先已不孝伐木殺獸尙云暴殄天物何況自己骨血如復安忍怙惡預惜賻送之費而菹殺嬰兒許諸人皆得公首驗實以其家半入官給養鰥寡若透骨寒毗子多無力併育鄉約地方具結報道本道蠲俸酌恤其有悍不遵教非復吾民重笞五十逐之境外仍每遇朔望日責令保長將

本里人戶有無溺死情由結覆該縣一月一彙報
本道查考毋違

崇祀先賢以昭景行事

竊照宋信國文山先生明文成陽明先生精忠大
節正學偉勳立億萬載臣子之模型開千百年聖
道之真統虔州爲二公蒞政敷教之地今祠宇傾
圯俎豆弗馨甚非所以景仰前修而昭示來茲也
閩郡誌文山舊祀於清忠祠陽明祠在府學之右
俱當漸次修理但今置聖廟尙未畢工二祠力難
並舉而祀典不可一日廢墜本道反覆思維欲於

湯子遺書卷八

江西公牘

五

濂泉書院堂上總立三龕中祀周程二夫子左置
一龕祀文山先生右置一龕祀陽明先生於義爲
當查清忠祠並祀清獻信國二公然書院以濂溪
爲祀主而濂溪兩爲清獻寮屬又年少於清獻位
次不安故清獻必另祠爲便但事關大典不便輕
忽爲此仰贛縣官吏查照牌內事理再加酌議務
要至當不易如果可行卽速命工選堅潔木植修
製三龕置立兩先生木主工完具文報道以便擇
期迎神牲帛恭祭以妥先哲之靈以昭景行之意

慎之勿忽

遵諭敬陳南贛險隘並陳設防機宜事

據贛刑廳呈詳前事內稱奉本道查詢地方險隘
汛守方略竊照虔之爲地閩粵錯壤江山環瀏山
必有峒地必有坑坑塹之外復有坑塹峒壑之中
又有峒壑鬱爲盜藪非始自今屢發大兵攻圍搜
剿雖各破巢斬馘終難蕞薙免獮卑職揆度形勢
莫若於零之平頭砦分設勁旅駐防居中制外勝
算在我既可彈壓瑞雩贛之智鄉石哈梓山羅漢
巖等處又可控制興國之梅窖峒五門峒螃蠏藪
等處無事則守有事則戰扼閩粵之上游聯江山

湯子遺書卷八

江西公牘

六

之勝勢將見半壁疆索永昌磐石之安等情呈詳
到道據此爲照該縣石哈地方叢谷疊嶂崑峙碁
立深溝密洞歧路百出已據該縣申請蒙虔院檄
發防兵汛守矣今該廳所稱平頭砦坐落何處果
否可以控制各屬與石哈誰爲險要該縣久在地
方籌畫必確合行查議爲此仰縣官吏卽照牌內
事理細細查明平頭砦形勢扼塞果否可以控制
各處與石哈誰爲險要或當兩處設兵或止宜專
防一處一一確詳併令善工繪圖併申以憑酌奪
本道總從地方起見該縣勿以議出府廳不肯從

實確詳及草率遲延俱非本道平心咨詢之意速

急諭流民歸業開墾荒田以奠民生以足國

用事

照得斯民衣食之源在田土 朝廷財用之本在賦稅田土荒蕪則下民衣食不足而賦稅因之缺少財用因之告匱此 國家根本之計非細故也本道奉敕茲土夙夜思維惟在宣布德意緩輯軍民尤先以招徠流亡勸課墾荒爲第一義昨自贛赴庾塞帷遙望惟見荆榛滿山荒萊彌野舊日村落今皆頽垣敗壁虎豹縱橫傷心慘目不覺揮涕念我百姓或因避亂或因逃荒捨離墳墓拋棄骨肉萬苦千辛違鄉越井今幸盜賊甯息地方安堵臨風懷想應動首邱之思况屢奉 明綸荒蕪田地官給牛種任民開墾三年起科恩德浩蕩至於如斯若地方官加意招徠安有忍棄廬墓離親戚長作異鄉之客者乃遵行已久不啻三令五申而佩積杳然石田如故良由有司招輯不勤勸課不力以致衣食缺乏賦稅告匱 國計民生將何賴乎合行曉諭爲此示仰官吏軍民人等知悉凡

湯子遺書卷八

江西公牘

在土著者務宜及時耕耨流亡他鄉者務宜及時歸業有田土者當盡力南畝無田土者准令開無主荒地無力開墾者官給牛種三年後方准起科各地方有司亦當勞來勸相鼓舞興作勿使差役下鄉騷擾里甲勿濫准詞訟妨廢農業勿以荒報熟致民賠累勿加耗科派致民逃竄有一於此本道爲百姓保護身命自不能爲屬官愛惜功名若能使里無游民野無曠土本道不靳特揭薦揚優叙成例具在斷不負良吏苦心各宜恪遵毋得違

誤

湯子遺書卷八

江西公牘

八

嚴禁餽送請託以肅吏治事

照得本道謬叨方面職在正己飭法表率屬員必已秉公而後可責人之不公已持廉而後可責人之不廉故夙夜兢兢飲冰茹蘖上凜天鑒下畏民瞻尤先以杜絕餽遺嚴革請託爲第一義今蒞任方新誠恐各屬或因循陋規借端餽送或夤緣貴介致書游揚俱無益實政有乖治體合行嚴禁爲此示仰府縣官吏軍民人等知悉各宜精白乃心滌除陋習持身如玉愛民如子興利務勤去弊

務盡天道最公國憲最嚴果操凜四知政成

三異不煩奔競自膺顯擢倘或簞箕稍玷朽楊不檢本道念切民依斷不徇假上臺白簡如霜決難寬貸平日枉費精神究竟毫無効驗何若殫精竭慮恪供職業省交際之煩絕夤緣之私上下風清不愧不怍也自禁之後如以本道之言爲故事漫不遵依仍循陋例者定指名揭報力請題參幸各慎重勿貽後悔令各具遵依報查毋違

嚴禁邪教以正風俗以遏亂源事

伏讀大清律一款凡師巫假降邪神書符咒水扶鸞禱聖自號端公太保師婆及妄稱彌勒佛白湯子遺書卷八

江西公牘

九

蓮社明尊教白雲宗等會一應左道亂正之術或隱藏圖像燒香集衆夜聚曉散佯修善事煽惑人民爲首者絞爲從者各杖一百流三千里煌煌律令天下臣民皆所遵守又新奉上諭治天下必先正人心正人心必先黜邪術今後再有踵行邪教仍前聚會燒香斂錢號佛等事於定律外加等治罪欽此天語昭昭炳若日星乃近訪得虔南境內仍有不法奸民踵習邪教煽惑鄉愚自稱經主傳頭起會結黨夜聚曉散男女促膝淫穢等於禽獸里黨成羣招集真若嘯聚愚民設墮其術述

罔顛倒至死不悟以此徧境成風牢不可破而有
司因循玩愒不肯以正風俗靖地方爲急任憑蚩
氓無禮無法罔知有廉恥畏憚萬一此輩結連日
久一旦釀成禍亂如平山洧川故轍不知地方官
何以自解乎本道秉憲一方以扶正驅邪爲己任
務必設法擒緝靖其根株永絕亂萌恐有司仍襲
往套一味優柔悖嚴綸而養禍亂殊爲不便爲
此仰道屬官吏士民鄉約地方人等知悉人倫之
理出自天性而名教之中自有樂地各親其親各
長其長秀者安於詩書樸者安於耕鑿勿得踵習
湯子遺書卷八 江西公牘

十

無爲白蓮及近日大乘聞香祕密諸教自干憲典
如從前不知誤犯者各宜洗心滌慮蚤求改絃繫
從寬宥若執迷不悟許地方官嚴行緝拏申解本
道以憑窮究奸狀如例定罪如本地方官漫無稽
察本道另有訪聞或經人告發定指名揭報叅處
總之此輩煽惑之術最詭愚民迷錮日深鄉約地
方多其黨類方傾心信服誰肯輕意舉首若非本
縣印官設法體訪痛加懲劊則邪教無日可息風
俗無日可正變亂無日可止關係世道人心地方

安危實非淺鮮特諭

嚴禁假名營債倍利坑貧以甦殘黎事

照得虔南疊羅兵火一三子遺僅存皮骨卽百方撫綏猶慮救死不贍乃訪得所屬各縣有等奸棍勾通雜弁豪兵以放營債爲名窺下戶逋欠錢糧或窺愚民干連詞訟情急時迫便結連黨類甘言美語誘票揭紙券到手倍利壓月倒票換約累利作本有初揭不過數兩展轉而至百餘兩者逮至力不能還則羣虎上門擁逼打罵無所不至或折準其田產或拆散其子女愚民祇因一時誤墮其術遂致傾家敗產骨肉分離有仰天號泣而忿然湯子遺書卷八 江西公牘

士

斃命者嗚呼放債歲息三分不爲無利若貪圖非分之財至逼傷人命明有王法幽有鬼神恐兩不能逃避也合出示嚴禁爲此示仰軍民人等知悉以後放債取息止許三分敢有視利若飴如前項土棍營兵不遵法禁者許被害之家據實陳告審實按律究懲追贓助餉決不姑息使小民飲泣吞聲莫可如何也慎之慎之

舉行月課以興學育才事

照得豫章爲理學節義之鄉自宋以來名臣大儒冠裳相望南顧處天圍僻坳而陘峒庾嶺之蟠廻

貢水章江之環遶周程過化於先陽明敷教於後
山川之鍾靈旣異往哲之遺範猶存其間士子必
多沉潛究性道之傳平澹靜聰明之氣但自變亂
以後城舍灰燼士皆避居深山敬業樂羣之事久
矣不講本道忝分宣茲士不揆淺陋妄欲集多士
於書院仿朱子白鹿洞遺法相與考德問業故先
取制舉業而課之如有原本六藝本道自具半豹
之窺其或瑕瑜不相掩者本道亦可效他山之助
勿謂刑名錢穀之司遂不暇論文講學也爲此仰
府縣官吏卽轉行儒學教官約城鄉諸生告以本
湯子遺書卷八

江西公牘

三

道虛心請教之意每月擇期齊集明倫堂或清靜
公所該府縣同教官質明蒞事封鎖如闔開本道
所發題目面加課試俾盡所長卷完該府縣先加
評點固封解道以憑細閱若童子中有秀心英姿
可以達到者一體收試勿得阻抑以隘吾道至於
外府賢士流寓本地者更宜啟請不可固拒各教
官亦當相體實實舉行勿令諸生領題家作或倩
人錄舊及苟且了事負本道饑渴之懷

嚴禁焚燬屍骸以厚風俗事

照得生養死葬古今之定禮掩骼埋胔乃聖王之

首政不意此地猶有焚燬屍骸之俗夫人死未幾
骸骨尙煖一旦焚其屍而揚其灰曾於徹帷埋狗
之不若也忍心害理一至於此甚至有力之家施
諸至親之內充其心尙何事不可爲何惡不可忍
與此不仁之俗必易於作亂卽死而竟無所依亦
必釀而爲厲腥穢之氣上通於天定降而爲水旱
饑饉之災傷敗風俗召致禍亂莫此爲甚合行嚴
禁爲此示仰居民人等知悉以後凡有死屍毋論
親疏槩不許仍前焚燬如有真正貧窶不能備棺
併寄寓之人死無葬地者許鄉約地方結報該縣
湯子遺書卷八

江西公牘

三

轉報本道以憑捐資設備棺木於附城處所置立
義塚瘞葬敢有不遵明禁仍前擅自焚屍地方鄉
約公舉赴道定按律重處仍枷號示衆如地方鄉
約互相容隱查出一併連坐至於有力者焚其至
親尤可痛恨犯者必立行處死斷不姑貸此本道
諄諄以啟本厚俗相約法在必行慎勿以身嘗試
招徠流亡修復故居以奠民生事

照得南安素稱雄郡水路通衢自應闐闐喧填商
賈輻輳成一繁盛景象地方官生聚教養卽從此
槩見乃自兵燹以來一二殘黎萬死一生相率攜

持婦子蕩析離居兼之兵馬雲擾心懷疑懼卽紳
衿巨姓亦皆星散遠方祖遺房屋任其傾圮治城
之內一望蕭條惟有敗瓦頽垣寒烟衰草本道見
之實切痼瘵合行曉諭爲此示仰南安軍民人等
知悉城內房屋基址皆爾祖宗辛苦構造以遺爾
子若孫使有所託足安忍終棄向日慮兵丁占棲
故觀望不修今兵丁住居已定前此占棲俱經退
回自今以後誰敢違 旨踰越尺寸况過往兵馬
不許入城久奉 明綸欽遵在案城內居住可以
衛 朝廷之封守可以免盜賊之窺伺可永無過
湯子遺書卷八 江西公牘

古

往兵馬之騷擾我百姓俱當趁此機會各將舊時
居址隨其材力鳩工修築或有願租地基自創房
舍者聽其兩家議明具呈給照或有本主逃亡故
絕許鄰佑人等查明具結聽人捐費築室永遠爲
業本主宗族不得爭論如兵丁妄意侵占許赴本
道陳告以憑究處地方各官務要加意招徠庶幾
漸去蕭索之景浸臻蕃阜之象慎勿自干廢毀羈
旅荒郊負本道安輯撫綏至意

修復書院以重道源事

竊照南安爲周程三夫子傳授道統之地實稱東

南鄒魯與九江隆興吉州贛郡偶而游寓者不同
府學東壁舊有道源書院宋理宗宸書扁額輝煌
章江數百年來士子絃誦其中相繼未衰自兵燹
以後堂廡盡燬遺像沉埋蔓草荒烟牌版縱橫本
道徘徊太息深慮吾道荆榛後進無所式型合先
蠲俸修葺爲此仰府官吏卽移行各廳縣先估計
工料約費若干量力捐助趁此秋成之後覓夫修
理務要整整宏敞庶濂洛授受之所彰明於天下
以昭聖朝崇儒之治興後學景行之思其於教
化實非小補速

湯子遺書卷八

江西公牘

圭

禁革陋規以甦民困事

照得虔南自兵燹之後灰燼遺黎膏盡髓竭司牧
者自當加意愛養除正供外分毫不宜朘民本道
訪知各縣陋規凡上司過往鋪墊安置中伙下程
羶蓆綵帳甚至過客往來酒席供給無不督責現
年輪置備辦糜費多端羶條等項事竣收領多半
毀壞工房任意作奸莫可窮詰嗟嗟朝廷建立
守令固望保障予遺搏節民財一切與地方休息
若視閭閻爲外府痛癢不關恣意以取小民脂膏
有幾何堪此層層剝剝乎合行禁諭爲此示仰道

屬官仰縣官吏查照吏里民人等知悉以後一切
供應不得仍前派鄉約現年里長輪值備辦如敢
聽信奸胥因仍積弊借端朘削里民者或經本道
訪聞或係里長告發官定揭報題參衙役計贓按
照新例流遣斷難寬徇令小民敢怒而不敢言也
慎之慎之勿貽後悔

嚴禁停舟僻地以免盜患事

照得往來船隻遇暮止泊自應趕烟戶湊集素無
暴客之所若山僻野地卽爲維繫未免誨盜而生
其戒心合行嚴禁爲此示仰客商船戶地方人等

湯子遺書卷八 江西公牘

去

知悉江干荒涼盜賊易於竊發上下船隻必擇可
泊之處方許停宿若地方僻險不利止宿者舟子
倦行莫前致有疎虞必以通盜治罪該地方鄉保
居民停舟時不爲曉諭劫舟時不爲救護亦從重
究處一切乘船之人亦須不惜小費不辭辛勤協
同船戶竭力駕至人烟眾多處所庶免盜賊之患
勿與長年執拗自貽伊戚也

嚴飭操練以資守禦事

照得時方多事捍衛需人况南安處五嶺要會尤
藉膂力强壯精嫻技藝者以備指臂之用昨本道

較閱時見標丁技無所長力不能勝有兵同於無
兵其於固圉折衝何賴焉本當嚴加汰革以肅軍
伍姑飭訓練以觀後効爲此仰中軍官周國璧以
後三日一次參練逢五日候本道親閱如有精通
技藝堪資防禦者本道不惜重賞以示鼓勵如仍
前弓矢生粗步伍散亂將本兵當場重責革去慎
毋怠忽自貽後悔

中嚴城守門禁監獄以防不虞事

照得雩都興國等縣警報屢至南安相去遙遠勢
難相機策應本道擬暫往贛城面請方略捕勦醜
湯子遺書卷八 江西公牘

七

類安定地方但南安舊城有右協府廳縣彈壓防
守可恃無虞惟水城止軍廳一官又赴甯都署篆
外此一二小吏才力淺薄恐曠悍之徒不服約束
巡查不嚴往來無忌城守監獄關係重入萬一稍
有疎虞地方官不能辭其咎也查得該府惟照磨
職掌頗簡合行責成嚴查照票內事理飭令照磨
孫希賢卽日移駐水城將城門鎖鑰交付收管謹
其啟閉協同本道中軍大庾縣典史嚴加防範晝
則盤詰奸先夜則稽查吏籌督率標兵民兵照才
道節次申飭時常戒備不得偷安怠玩致滋不虞

司獄官王應宿責令嚴查監犯晝夜隄防飭令大庾縣官不時稽察以防疎忽該府師帥一方責任尤重當嚴督各官蚤夜惟謹本道雖暫赴贛城可無南顧之憂矣慎之慎之

纂修郡乘以彰文獻事

照得各府州縣之有志也其所紀載不越四境之中而實能備國史之所未盡贛郡總江楚之樞鍵扼閩粵之咽喉山川險隘視他郡爲重名宦鄉賢指不勝屈而兵燹以後典籍盡付灰燼各縣誌書止有甯都石城定南數處他邑蕩然無存府誌

湯子遺書卷八

江西公牘

六

止購得一部條例分明猶稱善志但事止於萬歷末年近今之事闕焉未載及今不圖恐世遠言湮老成凋謝雖欲從事勢必更難擬合先刊舊本繼續編爲此仰府官吏卽將發去贛州府舊誌一部十二本轉發贛縣選善書者謄寫精工務要歐顏字體校正無訛同原本齎道以便發刊外再行各縣印官儒學於故家宿碩採訪舊籍網羅遺事併各縣新定賦役之輕重戶口之多寡城衛之興革官制之增減選舉之姓氏先達之藝文俱博求廣攬限一月內陸續徑齎本道再令各屬各舉所

知有博通典故精於史裁者不拘紳衿山林隱逸俱敦禮延請起送赴道於濂溪書院開局哀輯以補前誌之未備庶幾可以昭鑒戒明法制不徒美文章之觀爲黼黻之事已也幸各祇慎毋得怠緩

查取先賢遺文事

竊照黃洛村何善山兩先生理學文章得姚江心傳雱都爲講學之地語錄文集板籍必有存者今正學湮晦士習乖謬正當表章真儒以獎勵後進合行查取爲此仰雱都縣卽查兩先生語錄文集等書如原板尙在印刷數部齎道以憑頒發南頓湯子遺書卷八 江西公牘

充

各學使諸生共爲傳習如原板無存卽多方購求善本抄謄一部校正無訛齎道以憑考閱毋得遲違速速

援師大獲奇捷海逆殲遁無遺亟示曉諭以

安民心事

照得本年九月二十五日據提塘官周國佐報稱八月十一日奉江撫部院張出示前事據安慶府塘撥千總何承統報稱七月二十三日蘇州提督梁提兵援省於觀音門頂馬大戰賊衆手足失措斬級數千餘賊退四十里操江總漕兩部院領兵

援剿取復瓜州奪船數百隻賊艘大敗殺戮逆賊
精銳盡喪鄭成功大哭而去遠遁海口兵馬過江
併無阻滯蕪湖一帶俱已安甯等情塘報到道據
此合行出示曉諭仰道屬軍民人等知悉當知
皇運鼎新綱紀彰明將勇兵強海宇底定區區逆
氛指日淨盡爾等各宜安心樂業耕田輸賦地方
一切利弊候本道與府廳各官商推次第興除務
令兵火凋敝之區漸觀生養安全之效毋得妄自
紛擾致干罪戾貽誤身家

戰虎暴以除民害事

湯子遺書卷八

江西公牘

三

照得虔南兵燹之後人民凋喪殆盡荆榛塞路虎
豹晝游吞噬殘黎攫齧牲畜本道暨府縣各官不
能如古循良吏增修德政使虎類知感而渡河自
應責令鄉民驅除虎害乃近見各屬有民間擒得
虎豹強繳其皮獻之官府是百姓冒死而得者止
供官府餽送之資何所利而爲之乎合行申飭爲
此仰府縣官吏即便大張告示曉諭鄉民人等如
有獵戶善於搏虎者聽其捕逐擒獲一切皮肉任
彼變賣不得強行索取仍破格賞贖以示鼓勵各
官更當洗濯其心慎重刑獄毋使人謂苛政之害

被執姓名之誤也鄒士先等之被誣皆仇叛也俱係無辜自應釋放獨是該縣拏獲木壽之時何不請發時宇與之面質而一味嚴刑令良民受累夫盜非嚴刑固不輕招而嚴刑之下何求不得此作吏者所當痛戒也卽擬轉詳請示但查縣文止稱拏邱足華邱復初二犯未言獲士先卽鄉民保狀亦不及士先解廳四犯則有士先而無復初不知士先有無保狀復初何以不解仰廳一面查明以憑轉詳一面速行瑞金縣勒限嚴緝真賊謝木壽務獲究明報繳

湯子遺書卷八

江西公牘

三

盜犯越獄事

贛刑廳詳犯人苗應賓等口供互異由批苗應賓帶銀入監付夏元分布打點以圖越獄沙間之耳語獄中之寄書掘洞後墻布墜城下且約王宇等買船接下儲潭此豈朝夕之謀也原擬已確無容再議查應賓係曾勝供出而孔朝勝等係應賓扳出當府廳與賈副將會審朝勝等口供一字不錄今已奉具題而二犯嘒嘒稱辨自非反覆詳審最真最確未便輕爲祝網閱招內稱應賓三人帶銀二兩入錢與謝袁太佈置入獄是三人同入獄

矣如此則曾勝謝袁太耳目自不能掩又何須挈
獲應賓嚴刑方始扳出今日曾勝等具在尙可細
問也獨是掘洞以至墜城必非應賓一人二犯供
係仇扳應賓亦供實不知情恐係時久三犯又有
情弊冀求脫網亦不可知仰該廳再精心研鞫無
枉無縱速報繳

額憲恩准招撫以安庶類事

甯都縣詳難民復里供徭招安逆黨由批夏秋海
寇猖獗山澤伏莽乘機蠢動愚民無知被其脅誘
未必出自本心今四方底定區區小醜何難殄滅
湯子遺書卷八 江西公牘

三

但姦宄抗化論法實難寬宥而愚民陷網論情不
無可矜今 朝廷宥罪招降之典炳如日星若此
徒果翻然悔悟革心投誠自可赦其既往嘉與維
新仰縣出示推誠招撫使彼共悉 朝廷德意與
各部院宏恩返邪歸正保全身家入伍耕田隨其
所願如執迷不悟大兵一臨雖欲禽縱三驅苟全
性命斷不能矣本道念彼皆吾赤子故諄諄如此
勿忽繳

盜賊劫船事

南康縣驗報窩坑塘有賊二十餘人搶劫廣東舉

運路減三分之一官民稱便四分水腳之議已奉
部文誰敢擅自改變卽果有不敷仍當明白申詳
聽候上臺裁定何竟違例私幫乃借口士庶公議
官無染指謂可以置身事外耶當今 功令何等
森嚴陳效爽身爲職官豈不習聞如此朦混誠難
一日留於地方亟應斥逐伏候憲奪其黃吉駕船
不慎擬杖示懲并應追救米工銀及效爽借過賠
米銀俱如府議蒙將黃吉取問罪犯報奪

錢糧不容冒支懇准確查造報等事

甯都縣詳錢糧不容冒支由批據詳逃隸悍僕掛
湯子遺書卷八 江西公牘

三

名行伍便不識主父不畏官長窩賭放頭強買強
賣瑣吊禁毆無所不爲深爲可恨仰縣卽出示禁
約以後如有此等聽該縣嚴拏究解稽察虛冒汰
革老弱奉有部文自當實心遵行拘定每月十六
日過堂查點反覺煩瑣難行至於支領月米按季
候虔院檄示遵照可也此繳

緝解賊總以靖地方事

贛軍廳詳賊犯伊福壽等由批二犯旣係異鄉流
棍先被賊擄後被兵捉其爲匪類無疑當今地方
多事此徒豈宜輕縱原奉院批開明年分月日備

入原文今詳仍然混混何也駭行已五閱月甘結
既未取獲黎任我亦未提到不知此案將來如何
歸結仰理刑廳嚴提任我併當日舉報之人將二
犯實跡根究明白確招速報繳

弑叔異冤事

南刑廳詳犯人謝尙迪招由批此案大槩已明惟
毆叔二字大關風化招中甚屬含糊故駭行覆訊
確招毆叔有無的據一言而決耳今一言不問豈
該廳職司一郡刑名而法不能行於劣矜耶干証
無一人解到欲使本道何以究審耶此係院件耽
湯子遺書卷八 江西公牘

殺死弟命事

贛刑廳造報譚良彥招由看得譚良彥挾仇造款
與胞弟譚良竒謀殺砍首棄於河將屍抱於野殺
婢焚屋以圖飾罪死有餘辜良彥處決無容另議
特申畫一之法以振積玩以清案牘事

照得本道衙門舉行事件莫非重務如錢糧則漕
政軍儲等事如刑名則人命強盜等情皆關係重
大刻難容緩本道蒞任伊始稽查舊案塵封卷宗

盈几充棟多由奉行衙門一味怠忽任憑經承因循支吾竟致沈閣有數月不報者有經年不報者如此廢弛成何政體今量定畫一之法凡干欽件院件及一切錢糧刑名重大諸項初則酌路之遠近量定限票初限不應則發風字憲票行催所行事件倘能依限詳繳經承吏書姑免解究如風字過限不報則發火字憲票一面速完前件仍令經承執文赴道面稟所以不能完結之由以憑裁奪倘此限猶然不覆不結則發雷字憲票提該衙門經承吏書正身解道計事懲究如竟抗違不來

湯子遺書卷八

江西公牘

五

必立差役鎖拏經承赴道加倍嚴處倘事關重大併將本役解赴各院責懲如緝文飾覆及藐抗不遵不解以憲行爲故事除玩役盡法究治外定將本官以疲軟揭參仍先責令吏書造循環簿二本限文到三日內赴道請印發回該府廳縣衛將本道一切牌票批詳按月逐日一一登記明白每季終逐件開具已完未完具結差吏赴道齎此如未完過多及朦朧妄捏已完或愆期不比併事件遺漏者定將經承從重責究法在必行爲此仰府廳縣衛官吏遵依施行此本道因循積玩已極不得

不然非過爲煩瑣也速速毋違

超豁罪贖事

照得新奉 上諭杖罪自三十五兩至二十兩止
蓋以從前罪贖太輕民易犯法故量加增益以懲
創奸惡使民知畏無非刑期無刑之意然貧民無
力完納有司不加矜察往往些小詞訟監追經年
妨廢農業殊爲可憫故本道遇各屬呈詳招罪必
審奪再四除情真罪當者照春夏贖銀充餉秋冬
贖穀備賑之例盡數造冊移司報院達部外其情
有可矜及貧窮不能完納者俱行批免以省牽累

湯子遺書卷八

江西公贖

三

查得安遠縣於十六年十二月二十八日申招林
成力杖一百罪銀三十五兩本道已經批令照冬
季例買穀貯該縣倉備賑取倉收報道以憑補移
兩司去後至今二月已盡尙未報到冬季冊已達
部不便再補本道念今農功方興恐該縣拘禁追
比妨廢東作以傷天和合行豁免爲此示仰安遠
縣官吏卽喚犯人林成力到官量責三十板釋放
罪銀免追如已經追完卽發還本犯收領不得令
承隱匿侵欺絲毫如違許本犯赴道喊稟以憑提
究按律計贓究追決不輕貸仍具遵依報查速速

銷算順治十六年分兵馬錢糧事

贛州府詳各屬逋欠十六年分兵餉緣由據此查兵餉爲三軍續命之膏况虔南征勦方殷營兵懸釜待炊時刻難延本道蒞任以來無時不以兵餉爲第一義望各縣解濟何啻饑渴嚴檄飛馳手口交瘁無奈各縣玩愒成習如聾如瞶至今奏銷期迫仍然未能全完致厯憲臺清慮諄諄諭以上年處分龜鑑是於催追兵餉之中仍存愛惜屬吏功名之意未嘗時刻怠忽或移檄切責或提比經承大破情面罔避怨勞今據陸續申解仍未全完者湯子遺書卷八 江西公牘

三七

興國上猶兩縣是也孰減編爲辭堅不完解者安遠是也疊催杳無一應者甯都崇義是也總之各縣素稱疲玩去歲或半載無官或盜賊縱橫或地苦民殘本道督催有心點金無術此又無可奈何者也現今一面嚴行南贛二府并上猶崇義甯都興國安遠五縣勒催續完數目另報外緣係奉催未完兵餉恐誤奏銷事理合就據實詳報

申嚴門禁以重城守事

照得城門之禁所以詰姦宄防暴亂最宜謹慎前閱邸報如河南鄆城等縣祇因門禁不嚴操弓騎

馬者手持假票公然入城遂致大變卽近日吉水
新喻等處或因城守不謹或因盤詰疎忽至於傷
官劫獄鑿戒炯然豈可不爲警惕况南贛兩郡縣
或路處衝繁或城郭空虛衝繁則過往必雜空虛
則隄防宜固尤不可不晝夜凜凜也合行嚴飭爲
此仰府官吏轉行屬縣官吏申諭守門兵役嚴加
盤查凡有騎馬帶弓箭及形迹可疑者必有真正
印票有事本城稟明該縣印官方許入城但不得
借此擾害平民使擔柴賣菜者受其需索婦女往
來遭其陵侮大爲不便夜間更當謹密切不可輕
發鎖鑰致滋不虞該縣印官不時單騎查點甯無
事過防不可有事失備慎之慎之

急催官員賢否事

照得吏治清則民生安本道忝此方表率下車之
始自當首詢吏治况按院巡歷在邇尤難容緩爲
此仰府廳查照原行卽將所屬文武各員逐一確
加評騭務期名實不爽貞污昭然刻速齎報本道
將藉手以庶幾知人之明至於吏書臧否各冊一
時不能全完另文呈報可也

下吏受過有由恩詔之赦款允協等事

贛州府詳原任同知朱之垣援例呈請開復由批前奉各部院檄轉行該府查前後任事各官有與例相合秉公確核造冊具詳以憑轉請開復若據代申不參一語謂之確核可乎原任朱同知奉撫院題參部議革職果否與註誤之例相符仰府詳查原情徑申布政司酌轉仍報本道查考事關題覆毋得朦溷此繳

敬陳丈造之詳備述收歸之便等事

贛刑廳詳贛縣清查田糧歸戶完糧由批閱贛縣歸戶冊式可謂備極詳明各屬皆照此法行之自

湯子遺書卷八

江西公牘

五

足杜飛洒詭寄之奸絕兼併包賂之累欠戶無所影藏徵收自易爲力坵段旣各分明訟端亦可漸息仰該廳卽行各縣照式造報仍嚴飭不得借端科派自干罪戾以仰副按臺清賦至意候院批示行繳

僉選殷丁等事

贛軍廳詳南安所僉選殷丁漕運由批南安所舊無漕運之責故前奉興利除弊之大莫若裁併衛所一案已經署道據兩府詳議以該所去贛衛二百餘里輸納錢糧不便應歸併大庾上猶轉詳四

院矣此議原奉部文甚合自當候題覆遵行恐未便擅議紛更也况原以無漕運之責故議歸附近縣若比例僉旗是有漕責矣不幾於前議悖謬乎南安同知攝篆甯都相去五百餘里就近僉選之說豈該廳現署府事而屬縣之代庖未聞其姓名耶仰廳仍遵定例僉選該所歸縣與否候會題也

嚴禁行使低假銀色事

照得民間銀兩上完國課下資生策做造假銀久奉嚴旨特設重典赫赫皇言欽遵在案奈何奸徒恬不知畏仍前做造欺天罔人莫此爲甚

湯子遺書卷八

江西公牘

三

夫小民終歲勤苦始獲些須土產以萬不得已之費赴市求售又值神奸將低假銀兩巧爲誘騙愚夫愚婦驟墮其奸號天震地計無復之興言及此真堪痛恨更有一等刻薄錢爐故將紋銀兌易低假使用止圖自己便宜不顧窮民艱難天理王法皆難輕貸合出示嚴禁爲此示仰軍民人等知悉以後市肆交易俱用紋銀制錢敢有仍前做造低假銀色及知情行使者聽被害人指名陳告或牙行據實舉首定盡法懲處如牙行通同阿隱事發

一體連坐該管印官仍加意禁飭確訪連人拏解

本道以憑重究毋得故違

申嚴城守以重封疆事

照得城池爲有司第一重務官民性命係於斯倉庫獄囚係於斯况虔南桂苻未靖閩粵之寇時切震鄰而城垣頹敝民居鮮少若不嚴加防守萬一姦宄窺伺患生不測深爲可慮合行嚴飭爲此仰府官吏轉行屬縣責令巡捕官役會同汛防官兵晝夜防範城頭更鼓巡鑼時常戒備不得苟且偷安致滋不虞至於城垣有因霪雨傾壞者該縣當親行查勘估計丈數作速設法修理本道亦可蠲湯子遺書卷八 江西公牘

三

俸相助不得科派里甲白干 功令慎之慎之文到卽具遵依報查勿違

申飭清獄事

照得時方盛暑溼熱煩蒸囹圄之中慘苦倍甚一切囚犯有情可矜疑駁批覆讞者有黨羽實繁差拘待訊者有波累株連疑信相半遽難輕釋者有異鄉盜夥遠核虛實者甚之有不肖有司監追贖緩者濫囚婦女家屬者事犯在赦前淹滯不爲申請者無重無輕寄身圖屏呻吟痛楚殊爲可念本道政刑之不修不能使草長羅張冀望其明寃緩

死爲此仰府廳官吏照牌內事理卽親詣府縣監前吊出現在人犯逐一細問情節開造清冊某犯爲某事某年某月日奉某衙門發監或候詳或候決或應討保或應釋放件件開具略節不得遺落一犯限日內繳道以憑親行清理仍查各犯每日口糧若干足延喘息否夜卧有無薦板牆壁有無修築穢污有無滌除禁卒有無陵虐疾病有無醫療獄官有無違禁擅用梭枷梏床刑具一一據實回報再嚴飭獄中禁作多然蒼木貯清水以防瘟疫傳染如敢漫不加意視人命如草菅本道體訪湯子遺書卷八 江西公牘

嚴禁宰殺耕牛以重農務事

照得六畜之內惟牛最有功於人田地賴其犁轉麥稻憑之播種縱使毛齒衰殘亦當念壯用其力老棄其身甚爲不仁况正資耕耘之年而橫加屠宰母論報生以死冥譴必加且屠宰資多牛日少

而價日湧則地愈荒而民愈貧理所必至也合行嚴禁爲此示仰軍民屠戶人等知悉以後敢有土

棍串通營兵結黨窩宰及貪竊嗜利宰殺耕牛者
巡捕官及保甲地方鄰佑卽行赴道稟首以憑拏
解盡法重處仍枷號示衆併將牛價盡賞舉首之
人如捕官保甲鄰佑人等通同賄庇訪出一併嚴
懲決不姑貸

曉諭事

照得南贛凋殘之後一二遺黎俱膏盡髓竭司牧
者必加意愛養庶幾灰燼子遺可望起色乃訪聞
各屬凡上司過往中火坐飯俱令現年里長備辦
差役就中需索苦不堪言違禁剝民深爲可恨本

湯子遺書卷八

江西公牘

三

道經過地方一蔬一米俱發紋銀照時價兩平公
買中火坐飯一槩未用誠恐該房吏役仍指稱供
應本道名色苦累里甲是本道有潔己之實而小
民仍受騷擾之害合出示曉諭爲此示仰南康現
年里長人等知悉如有假借本道名色用現年一
蔬一米者卽赴道喊稟以憑拏究照 新例流遣
不恕

申嚴城守以專責成以防不虞事

照得海氛蕩平巨寇殲滅而雩都興國等處小醜
竊發擾害鄉民本道以南安路遠策應不及暫赴

贛城面請方略誓必滅此朝食本道靜夜籌度天
時人事山澤伏莽今歲合當殄滅指日事定卽返
旆南安但舊城有右協府廳暨縣官彈壓防守而
新城官少民多特委府照磨專心料理誠恐兵民
之中有一二獷悍之徒不守法紀不遵約束殊爲
不便合行嚴飭爲此示仰各該官吏兵民人等知
悉照磨孫希賢新劄初發才力有爲卽日移駐新
城城門鎖鑰用心收管謹其啓閉協同大庾典史
吳雄嚴加防範晝則盤詰奸宄夜則稽察更籌點
驗柵欄照本道節次申飭事理時常戒備勿以一

湯子遺書卷八

江西公牘

書

時小康遂偷安怠玩致滋不虞監獄巨犯累累關
係最重司獄王應宿晝夜點查謹慎隄防重囚嚴
牢固之法勿使禁卒踈懈輕犯存哀矜之心莫使
禁卒凌虐仍令禁卒每夜於獄中擊柳巡更司獄
官於三四鼓時或雞鳴時暗至獄前察其更漏如
偷惰熟寐卽重加責懲爾各官受此委任打起精
神以恪共職掌保守地方爲務本道雖在贛城可
無南顧之憂當竭力薦拔斷不相負如強悍之徒
不守法紀不遵約束卽報該府法處彙報本道以
憑拏究重懲本道必不姑息徇縱以灰各官苦心

若爾各官以本道之委任爲故事任意悠悠定揭
報各部院分別題參斥逐若致有疎虞爾身家性
命不能自保 國憲凜凜斷難寬貸

大盜劫獄可駭等事

案照逆犯張熊窩藏會昌境內搜獲偽勅銀印偽
劄關防該縣毫無覺察猶執稱守法無過冒昧通
詳疎忽甚矣據熊供稱逆黨甚衆且首逆方應佐
係奉 旨緝拏巨犯屢蒙四院嚴檄并准臬司巡
西道移會本道俱經檄行該府通行各屬印捕防
弁等官密速躡緝至今數月杳無獲報或該府之

湯子遺書卷八 江西公牘

三

未加意督催耶抑各該縣之玩愒從事耶倘此日
不加意嚴緝異日別處供報差官直赴該地方拏
獲又如會昌故事文武各官不知將何以自解合
亟嚴行催緝爲此仰府縣官吏卽便嚴行所屬印
捕各官并移各該營協弁勒令捕巡各官併移會
駐防備弁多差捕快兵役遍境密探如寺院庵觀
孤村密洞客舍酒肆娼門賭室山僻河曲盡力搜
查再嚴飭保甲挨門逐戶務將逆首方應佐卽萬
雲龍并餘黨方甫廷萬山藥張文舉張文相姓閻

姓崔曾深李慶育蕭受方義吾方景容蔡萃卿蔡

龍官劉須友賴俊德鄭亨衢陳君用劉祖等晝夜
躡緝期在必獲毋得縱令免脫自干俞功令毋得
聽憑各奉差員役虛應故事怠玩延捱并嚴論不
許波累無干借端詐騙如仍前玩泄本道設法密
訪若得一犯蹤跡在該地方境內者定將該縣文
武官以庇縱大逆立行揭參恐該府亦不能辭其
責也恐不止降級革職而已也文到卽將設法緝
訪方略先報本道以慰切切懸望之意勿再視爲
故事自貽噬臍慎之慎之

查勘隘要地方量設官兵防汛以靖寇源事

湯子遺書卷八

江西公牘

美

看得贛南二郡當五嶺之要會處四省之錯壤層
巒疊嶂密箐深林封豕長蛇易爲巢窟前代至今
時常跳梁雖亦興師動衆殲魁俘囚而旌旆甫旋
餘燼復熾且洞壑曲邃隣境旁通在此地則耕田
輸稅號爲良民在彼地則揮刃操戈卽同叛黨執
之無從搏之不得終不能剷厥根株空其峒壘其
地勢使然也故爲今日之計不當於盜賊已形之
後擇險而出奇惟當於盜賊未聚之先因險而預
備使彼不敢生發發不得肆志則勝算在我可保

無虞矣本道恭承憲檄查勘要隘量設汛防俟保

甲効成徐議撤回仰見憲臺洞悉虔南情形急爲
桑土綢繆本道稟遵指示隨備行兩府復遍檄屬
縣親詣要隘相度地理形勢酌量山岡平險詢訪
民情籌度緩急復嚴催不啻再四據陸續報到有
稱各隘不隸本邑所轄無憑酌議者贛縣是也有
因士民遭寇亂兵蹂之後願操練鄉勇遵行保甲
家自爲守人自爲戰不願設立防兵以滋騷擾者
興國縣是也贛邑爲院鎮駐劄之地興國持地方
無事之說似不必再議矣甯都縣詳稱大柏地有
永鎮營官兵防守又與鴨子嶺佛婆嶂等處相近
該營可以兼顧甯都惟清泰鄉離縣遠懷德黃
陂村人情獷悍鷹眼未化而鄉民畏苦設兵曾具
呈前都院佟准行停止查該縣爲左協分駐之地
雖目下調援浙江而存留兵力尙可肆應宜嚴飭
該營謹設塘汛嚴加隄防遇變接連傳警營弁率
領健兵電擊騰馳與鄉勇協力固禦不得推諉偷
安自取罪戾似不必另設防兵致事權不一反多
掣肘庶與部文不許零星設防之意兩不相悖也
惟雩都縣以葛垵寬田二處路當孔道爲數縣要
衝急宜設兵彈壓龍南縣以新興保逼近粵寇小

醜伏莽萬難缺兵駐防周推官條議以平頭寨分設勁旅可以控制諸邑本道復詢之城守營孔副將鎮標中軍洪遊擊圖繪平頭寨葛圯寬田形勢險夷又檄行雩都縣覆行查勘據稱寬田去石峪五里以北之韓婆嶂以東之石井木瓜以南之龍泉逕相連不過數里石峪叢山狹路難以安營前奉發防兵現今移駐寬田則寬田石峪應作一地論也平頭寨爲雩興石甯四縣之界實屬要地去葛圯止二十里則平頭寨葛圯應作一地論也此二地或各設兵二三百名領以守備千總等官必

湯子遺書卷八

江西公牘

三

得慎密知方略能約束兵馬者無事則靜以彈壓有事則相機夾攻庶克有濟至於新興保已奉院發兵設防然其地與橫岡營相近必與該營聲息相通協力守禦則兵不患寡而地方有賴此數處兵旣設犄角相應則紫山銀坑等處皆可鎮壓足消反側之心矣抑本道參之眾論尤有請者兵合則強兵分則弱兵與將離則放恣易起兵與民雜則騷擾易生顛爲東南雄鎮年來抽調防浙防閩者逃亡裁汰未補者爲數甚多重地漸見單弱若分防太衆則兵力益薄設有緩急實爲可慮則免

其抽調補其缺額實鞏固根本至計又兵丁强悍者多安靜者少未弁貓鼠同眠者多秋毫無犯者少如陳子龍劉應虎輩可爲前鑒今後分防各弁當知地方無事卽爲上功不必以斬馘俘囚爲能使民知有設兵之利而不見設兵之害是在憲臺霜威震攝之耳瑞金縣杳無一應俟報到另議外緣奉憲行查勘要隘地方量設官兵防汛事理合就呈詳伏候憲裁

百里飛報事

會昌縣詳報張熊先年住居馬村耕田今奉上
湯子遺書卷八 江西公牘

五

拏莫知其故緣由看得會昌縣知縣王志鏊司篆百里當思緝奸詰盜爲縣令第一要務以大逆張熊潛匿本境漫無覺察反聽關長地方呈報之詞輒信其歷年守法向善向化盲昧申詳疎忽之罪實不能爲該縣解也但察其原情張熊蹤跡詭祕王令履任方新且陳士文原供首逆方應佐居在上猶縣營前張熊居在瑞金縣銅鉢山前道周參政以事關機密恐防漏洩故止密檄上瑞兩縣協力緝捕未嘗通聞該縣也及至差官同鄉導至漁公埠江口擒獲張熊實在會昌境界該縣未奉檄

文止據關長地方之報見操弓挾矢擁衆拏人事
出駭異莫知根由遂令典史巡檢向前查問亦勢
所必至若謂其有心傳關令方逆聞風而逃及率
衆追趕希圖奪回原犯該縣身爲民牧凜凜王
章豈不習聞况兩月新令何所爲而干犯憲典從
井救人如此也但旣經查問見兩道官役奉文緝
逆且現獲僞敕僞印何等重大該縣自當悚惕靡
甯深悔覺察無術殫力搜緝餘黨務靖根株以贖
前愆以受事未幾哀懇憲慈鑒宥猶可言也乃事
在二月二十六日遲迴月餘猶持毫無違犯之說
湯子遺書卷八 江西公牘 罕

申報撫憲則該縣之膠滯固謬而不可解亦已甚
矣平心定論通同抗庇之情該縣所萬萬不敢蒙
昧固執之愆該縣所斷斷難辭也其叛首方應佐
嚴勒該縣加意緝捕務在必獲外今據該府查明
追趕差官有無抗阻庇縱情節合就呈詳伏候憲
臺裁奪

屬邑告警相仍郡城無兵可慮密請酌定碩

畫以靖地方事

請詳院勦賊緣由看得贛當四省之衝所藉以建
威銷萌惟勁旅是賴近因調援閩浙又出勦饒州

等寇在贛之兵誠屬單薄今贛屬雩興等縣盜賊
狂逞洪鄭高王四遊擊俱已躬親戎行又蒙憲臺
垂念贛鎮兵少移調汀師互相夾剿料此釜底游
魚蕩平定在指日矣今據該廳具詳風聞汀師旋
汎未知的否竊謂此賊猖獗已極非多集兵力不
足寒賊人之膽恐汀兵一去贛師單弱賊乘其虛
必恣肆無忌若退師以守城池則鄉村任其擄掠
各縣之民皆吾赤子何忍見其荼毒若窮兵進取
而賊勢漸張曠日遲久未見殲厥渠魁安保無意
外之變以憲臺駐節之地堂堂重鎮山澤小蠢輒
湯子遺書卷八 江西公牘

聖

敢逆我顏行不及蚤滅此朝食萬一狡賊計窮遣
一矢於屬縣之垣墉不亦深可慮乎祈憲臺密商
總鎮仍留汀師會合贛師協力夾剿并祈預定方
略密飭各將協心同力如手足之互相救助務期
蚤奏捷音共成膚功庶子遺之民獲以安枕而封
疆固於磐石矣

時勢難支懇請防兵以保城池以固根本事
雩都縣請兵防守城池緣由看得逆賊李玉廷嘯
聚猖獗業奉憲臺發兵進剿深入巢穴雖有擒斬
之捷渠魁猶未授首今賊情叵測星散流毒征師

在外自是分道堵殺不難日夕就縛矣但各營需用人夫草束等物所費浩繁止以城內千家之士庶雇覓供應又責以晝夜防守勢必難支怨聲盈耳猶可論以利害若以老弱不經練習之民徒以鈍刀木棍恃爲可守誠非長策今該縣慮隆冬漸寒恐難進剿倘或班師賊必攻城以洩請兵之恨詳請調撥大營中千把總一員領兵一二百名在於城東郊外駐劄飭令與民無擾一以備防禦城池稍息城內久困之居民一以備流潛之寇聞報卽可堵禦似屬可行合無呈請憲臺酌發一旅以

湯子遺書卷八

江西公牘

望

保封疆理合具詳

頒恩申詳留兵永鎮以固上游以靖地方事

呈詳院留兵鎮守龍南縣緣由看得龍南新興大

龍太平三保接壤粵疆盜寇竊發皆由於此前明

曾有東桃戍兵防守後營廢兵撤寇復爲害自戊

子以來歲歲擄掠民無安堵是以去年發兵鎮守

地方稍甯因夏間兵去賊至故士民欲爲預防呈

懇永留今該縣爲之詳請當此海氛震驚伏莽思

動之日似應准留久戍以固疆圉以安人心可也

請旨發審事

據南安府會同南雄府詳過兵孫大等殺死鄉民
鍾應貞兄弟招由看得孫大與陳報國因趕馬之
役不遵法紀擅離營伍持鎗帶刀徑入中村強取
鄉民鍾應貞鍾應光之鴨按之軍令已不能無罪
矣殊不思雞豚之利細民資以爲生及應貞向前
索取前鴨孫大遂執鎗刺胸直貫後心立刻殞命
應光見應貞被刺身死喊衆救命孫大陳報國復
鎗刃交加不移時亦登鬼籙當時鍾應堯同嫂赴
營哭訴董遊擊親行往勘初欲馬上拔刀以殺犯
兵繼則細縛孫大移送府且移會之詞惟言據
湯子遺書卷八

江西公牘

四三

情定罪二命合當抵償此外無他詞也兩屍業經
相驗致命傷痕昭彰可據孫大已經屢審招供真
情始終相符前此承讞官以索鴨必致爭鬧疑於
鬪毆故依律擬絞因奉平藩批駁適逢赦例援引
招詳致奉各憲嚴駁復行二府會審孫大口供毫
無改易詳閱律例兩相角敵方謂之鬪毆今孫大
等逞兇兵之威應貞兄弟勢力萬不相敵觀二府
前招孫大豐美優游敢請轎於二府之前入獄則
苦主供食乘轎則苦主承辦是羈身囹圄之中尙
目無官長殘虐鄉民苦主甯鬻二子而不敢與抗

况昔現爲營丁執持鎗刀而謂鄉民敢與敵鬪乎
且當時執鎗者止孫大一人應光腰間之傷報國
未及面質檢驗亦係鎗痕是應貞之命斃於孫大
之手而應光之命大亦當平分其罪反覆審斷
恩例固不相符卽縲首亦未合律擬以故殺庶足
昭三尺之法而瞑二魂之目也至於錢糧衣甲之
失董遊擊之呈報時日已不相符若果稍有遺失
移解孫大之時豈肯默默無言陳印已回廣東金
朝選之口供可憑鄉民嘯黨圍廟董懷德之飾詞
無據駁讞再四字字真確按律定罪孫大一斬允
湯子遺書卷八 江西公牘

四

當陳報國已經文村賊砲傷亡免究事關 欽案

伏候憲裁

打死人命事

贛刑廳詳劉大富打死蕭天標案由看得劉大富
堂妹劉氏配與蕭天標之子蕭明爲妻產後染疾
天標延醫調治稍痊大富接妹歸家飲食過傷夙
恙復發遂而物故天標備棺收斂情理盡矣大富
與其弟大祥思借端嚇詐未遂其欲輒以孝禮爲
詞大富奮拳兇毆致天標立刻殞命屢經檢審傷
痕俱真証供皆確按律絞抵當俛首服辜也大祥

助毆傷無致命又非元謀依餘人之律似不爲繼
劉君祿疊審委係無干應行釋放免其拖累

活活打死人命事

贛州府詳蔡達生打死鍾惟亮招由看得蔡達生
與營兵朱大奇有瓜葛之戚遂假戚逞兇代其賣
肉橫行於館驛之前置肉惟亮屠案在惟亮情自
難堪彼此交毆達生理已不直乃復搆大奇以圖
報復惟亮知係兵黨潛藏三日至十九日始敢出
市情亦可憐矣而達生復借大奇以賤價強買起
釁協力毆打後惟亮入城鳴冤二兇又伏於城內

湯子遺書卷八

江西公牘

望

觀音閣前扭執惟亮拳石交加以致惟亮之命越
宿而告殞屢經檢審傷真証確擬抵何辭然達生
雖甚兇悍非倚恃大奇兵威未必至此推情理論
二犯厥罪惟均但一命一抵達生實爲首禍按律
纓頸以謝幽魂大奇依元謀城旦似非枉縱朱天
同原未在场朱心池在傷口叱力不能救俱應釋
豁蕭君甫等審係無干仰體憲慈釋放以免拖累
矣

土霸魁鄉民塗炭等事

據贛刑廳造報斬犯袁利亨招由看得袁利亨賴

國材焚屋殺人劫財擄婦受害之家証供鑿鑿且
又藏匿偽印偽劄竟不焚毀意何爲也駢斬猶有
餘辜生景華張明案附賊情真得財無據改徒擬
以實流似非枉縱禁卒張成防守不嚴經承歐鴻
不行通報分別徒杖逃犯劉清海等仍行緝結

出巡事

贛刑廳造報黃一鵬招由看得黃一鵬乘亂立營
殺毆無忌被害環攻人怨已極立誅以抒衆憤誰
日不宜第事犯在順治五年以前至十三年始發
覺揭報其間相隔有八九年十餘年之久前此寂
湯子遺書卷八 江西公牘

無一言雖時當亂離或未暇攻許而辟案至重不
敢草率况屢經 恩赦其兄弟三人兩人斃命今
一鵬尙多矜疑似未便輕議深入也

飛報鄉兵奮勇等事

贛刑廳造報王鳳等招由看得王鳳陳尙元聚衆
爲盜夥劫官船天網不漏隨被鄉兵陣擒同夥二
十八人被戮者張望天等十九名脫逃者王得功
等三名生擒者王鳳等六名內周二漢曾成孔已
經痠死夏元蔡光與續獲之劉可任夏清仔又挖
獄脫逃今鳳與尙元屢審已確駢斬何辭至脫逃

之王得功等穴獄之夏元等仍嚴行緝結其寫書
覓寓之業林與官守不謹之典史王萬鎮擬杖示
懲似非過縱盜妻三口小子一名雖與叛案不同
而逃賊未獲難以議釋奉虔院發監應否的保

堂上萬里下情難達等事

贛刑廳造報廖保貞招由看得廖保貞與劉覽等
同時陣獲而不與覽等同赴市曹者謂其藉口連
斬三賊故得肆其狡辯耳然宋士達等業已投誠
而敢行誘殺及三人族黨相率報讐官兵一至始
來投見未幾又與劉胡二賊挺身躍馬身披虎甲
湯子遺書卷八 江西公牘

四七

乃爲賈將所擒此人生成盜骨變幻無端擬以一
斬似無容置喙也

拏獲假冒大兵沿鄉淫擄事

贛刑廳造報曾喜等招由看得曾喜與鹽故之陳
瞻明等假冒大兵沿鄉劫掠甚而擄婦強姦恣意
輪宿朱氏年方十二竟以淫斃如此兇狠何論得
財與否屢審已確亟宜懸首以洩衆恨

申報逃兵等事

贛刑廳造報王先招由看得王先與陳元押解逃
人自當恪守法紀乃敢沿途殺掠執棍先登者王

先也繼其後者陳元也竟將陳壽網縛打落水中
趕入深潭而死舟中銀幣諸物悉捨而去誠王法
之所不容並斬亦不爲過既經臬司屢駁復據刑
廳議擬斬爲首之王先遣爲從之陳元以慰旅魂
以彰法紀

迅報異亂事

贛刑廳造報方良甫等招由看得方良甫等謀殺
張泰吾兄弟也設酒聚飲立刃三命而又抄其家
資牲畜擄其妻妾子女殘忍狠毒天日爲昏屢經
駁訊良甫聶科林汝柏三犯實爲首惡均擬一斬
湯子遺書卷八 江西公牘

四六

以慰幽魂以彰國法加功之張君融等與淫婦
聶氏嚴提緝究萬難容其免脫也

打死驛卒事

贛刑廳造報李長壽招由看得李長壽毆斃驛卒
謝勝也因需索常例言語相觸拳腳石棍致勝立
時殞命檢審已確擬抵不枉鬪毆纒項之條似足
蔽辜也

活活踢死人命事

贛刑廳造報傅先招由看得傅先差拘逃兵自當
照名緝解何乃株連房尸視爲奇貨飽慾則釋拂

意則鎖福吾貧無以應竟怒踢腎囊而死兇悍情狀令人髮指鬪毆原非本律威縛似已得情虔憲批駁再三無非恐兇人漏網悍兵肆志耳然法實止此仍照原擬遇恩赦不減該廳之議似非枉縱也

申報防兵殺死印官僕命事

贛刑廳造報王文見招由看得王文見防守上猶繫民間之豕於月城之內已不遵紀律矣縣官發鑰開門收還原主所開者內城門非外城門也使文見果以防守爲重開門之時便當致詰况持鑰湯子遺書卷八 江西公牘

四九

而出驅猪而入明明稟命而來大呼殺賊胡爲乎梓平自恃縣令家僕立而抗讞一刀數刃腸潰腦裂慘毒至此法豈容寬縣令之僕視如草芥矧平民乎故殺律例似爲確當此案奉撫憲屢駁縣令久已離任于証死亡無憑該廳改絞擬流本道未敢擅議

移會查驗偽首事

贛州府造報王勇總等招由看得王勇總等一案初經前道會審稱其張旗列陣洶洶對敵殺傷我兵當陣擒獲按律駢斬自不爲枉及奉虔院批行

府廳會審口供種種互異狡賊時久飾辨固難憑信其詞招情前後矛盾恐非如鐵之案見駁府廳覆訊俟招報查核具詳

活活打死人命事

贛州府造報蔡達生招由看得蔡達生與營兵朱大奇之毆死鍾惟亮也事起於賣肉細故惟亮知是營兵藏避三日情甚可憐二犯兇狠性成必欲毆死而快心焉達生首禍綑首不枉大奇元謀城旦猶幸

緝解賊總以靖地方事

湯子遺書卷八

江西公牘

五

贛軍廳造報伊福壽等緣由看得伊福壽李奇珍皆異鄉流氓暫寓甯地先爲賊擄旋被兵獲自屬匪類但旣非陣擒又無苦主確証故得肆其狡辨而承讞官不能不爲之矜請也乃鄰佑田主不肯出結審訊未明不便輕爲發落黎任我係原拏之人拘提不至已駁贛刑廳嚴提任我併舉報之人根究明白另詳酌轉今奉審錄

移會查驗僞首事

贛州府造報陳廷甫等緣由看得陳廷甫陳相元與已故郭王才等居鄰賊窟見大兵征賊擄牲魄

米以餉士卒劉應虎疑係狡謀誘而執縛假稱各
圍獻出復捏賊首諛名希圖要功情罪顯然屢經
研審出首縛獻俱無的據各犯獲於犒師非擒於
對壘情俱可矜宜斬羈候題但此案與王勇總等
一案奉有前度院一疏具報仍同一時並題之批
勇總情節未明又各犯查取縣官印結親鄰保狀
未至致稽彙詳

海逆肆犯有年訛言浪傳無忌曉諭官民勿
聽眩惑以定人心奉憲曉諭事

照得海逆猖狂乘沿海一二郡縣一時疎防肆行

湯子遺書卷八 江西公牘

辛二

剽掠江南重兵滿漢數萬謀士猛將如雨如雲且
部院身親督戰屢奏捷音禁旅過發不日可到此
正天厭逆惡掃滅兇氛之時况我贛南雄兵勁旅
甲於東南金城湯池鞏如磐石又去江南數千里
區區逆艦安敢望我旌旄自求壘粉但賊計最狡
先布流言不日今日破某城卽曰明日攻某地往
來之人因訛傳訛我百姓皆兵火餘生驚魂未定
輕聽浪傳遂生疑畏甚至有欲攜家出城避匿深
山者本道已檄行各屬張示曉諭使各安心樂業
不得妄自遷移自取喪身失業之禍已不啻誥切

矣合再遍行曉諭爲此示仰贛南軍民人等知悉
當思 皇運鼎新四方底定鄭逆海上飄忽偷生
日夕且所恃者巨艦長帆不過出沒島嶼耳安能
遠離巢窟犯我豫章哉爾等各安乃心照常樂業
勿聽訛言徒事驚惶至於攜家出城尤爲非計夫
城池可以禦暴官兵可以防奸若播遷郊野萬一
土寇竊發殺身破家實屬自取敢有傳訛恐嚇卽
係蓄謀不軌鄉約地方協擒赴縣審實解赴本道
以憑轉解部院按律正法如敢堅執不悟仍搬移
出城守門兵丁拏獲解道亦決不輕恕本道誠心
湯子遺書卷八 江西公牘

五

相告矢諸天日各傾心諦聽家喻戶曉立破狐疑
安守常業勿得故違自貽後悔

恐陳裁併未當糧務遠攝非宜敬陳一得仰
祈睿鑒以重國計以安民生事

准司咨安南所裁併衛丁田歸之州縣等因移咨
復行確查再詳釋部文細加酌奪照得南安所歸
併贛衛其不便有五而歸併附近州縣其便有三
南贛相去三百餘里山峻灘險往返爲艱屯丁耕
種南安輸納贛衛軍丁去官遙遠辦納濡滯呼應
不靈又道路荒榛虎豹晝遊身帶錢糧非結伴不

敢起行至於單丁女戶稅銀不過數錢往返路費
倍於所納脂膏有限勢必因循掛欠慮官提比勢
必逃亡他鄉其不便一也刁軍倚恃荒僻抗糧不
封衛官鞭長不及必至差役勾攝差役奔馳數日
始見花戶之面需索騷擾必甚旬日之費不足供
胥役一飽官受考成之累民受追呼之苦錢糧必
至拖欠國課勢難取足其不便二也南安控扼
梅嶺素稱重地該所屯丁原設以資守禦漕運事
務例不與聞今若歸併贛衛必僉丁造船其屯戶
之殷實貧窮官遠則聞見不確必至假手書識其

湯子遺書卷八

江西公牘

辛三

中受賄作奸賣富差貧爲弊多端且平日槩無漕
運之例其人必不諳漕運之事萬一違誤運期雖
罪有應得終屬無濟其不便三也平時承辦錢糧
道路旣苦艱難一遇僉丁派役農業必至盡廢該
所兵燹之後蒿萊盈疇年來漸次開墾其實十室
九空若再至荒廢恐流亡又復載道而南安極衝
極疲之地防禦無人城守何賴其不便四也且當
今逃人之禁甚嚴保甲之法屢奉俞旨申飭該
所旣附贛衛則編牌立保縣令不便約束而衛官
在二三百里之外耳目難周則軍屯必爲藏垢納

汙之藪盜賊竊發逃人潛匿縣衛互相推諉其不便五也若准歸附近州縣屬大吏者歸併大吏屬上猶者歸併上猶錢糧與縣民一例徵輸無道路之費則辦納自易無跋涉之勞則輸將必速差役無煩勾攝刁頑不敢抗逋賦稅有濟考成無累此便於國課者也僉造漕船不至互諉該衛官丁相近貧富刁良平日聞見必確不致專倚胥役致滋弊竇此便於漕運者也在大吏境內者盡屬大吏管理在上猶境內者盡屬上猶管理逃人一體稽察保甲一體編定無掣肘之虞無抗拒之患盜賊奸宄無所容匿平日互相隄防遇變互相救援縣官則無旁諉不敢泄泄從事地方可奏甯謐之效此又便於地方者也反覆圖維正與部文相合合就移覆爲此備咨前去煩請查照酌轉

敬陳鹽政壅滯之由併酌因時疏通之法仰

祈睿鑒以裕課餉事

准驛鹽道手本前事南贛吉三府議派應銷鹽引緣由據此爲照鹽法上關國課下係民生額數一定難容缺少茲當派引之初必從長酌議期於均平方能商民交利永久可行本道反覆思維惟

計口食鹽終屬妥便如但論縣分不論戶口則是南安之上猶崇義可與贛屬之甯都比論而贛屬之安遠長甯亦可與吉郡之廬陵並衡也戶口浮於引數辦納固有餘力若引浮於戶口或數倍於戶口則民力有限必致缺額將來官受考成之累民受追比之苦脂膏既竭國課何裨今廣鹽額引一萬八千之數惟有合吉南贛三府屬縣總計戶口若干每口應食鹽若干每歲應銷引若干照數均派庶可經久如三府之戶口不足銷此一萬八千之引伏懇貴道據實請詳酌量照減俟流亡

湯子遺書卷八

江西公牘

五

漸歸荒蕪漸懇再爲加增庶三府受福無窮如萬不能減亦惟於三府戶口定額中稍爲均攤尚不至偏苦懸絕也如日地荒而糧存人逃而差在此亦三府同病不但吉郡爲然也且鹽政係貴道專司查照通省之例可以一言而定檄行三府照例遵依似不必往返駁議徒勞築舍也

又覆鹽道應銷鹽引緣由據此爲照南贛吉三府歲額廣引一萬八千道奉文酌派事屬創始必計戶口銷引方可永垂無弊并今准大移將三府實在人丁戶口通盤合算計口銷引甚爲均平且九府

行鹽成規具在三府曷敢互異如此則國課無虧損之虞民生無偏苦之患有司亦不敢不恪遵成法勉副考成也今據兩府回詳皆無異詞惟南安府稱上猶一縣新定全書戶口一千六百八十一丁今貴道所開一千九百一丁口則多三百丁口或祈查照該縣實在戶口應銷引若干餘贖浮引仍於三府屬按戶口均勻增銷庶該縣官民獲凜遵課程不致隕越矣統候貴道酌轉三院批奪賜示以便行令三府恪遵按年督銷合就移覆

移會查驗偽首事

湯子遺書卷八

江西公牘

五

贛州府詳賊犯陳廷甫等緣由據此看得見監陳廷甫陳相元與先故陳振華續故郭王才等共一十二名皆贛鎮守備劉應虎會勦長甯時被縛者也當三協合師會勦長甯之時奉兩省部院誥切申諭令府佐縣官分別良盜紀驗功次又飭以嚴束兵丁毋得因而生事波累良善毋得貪功生事擄掠良寨沿途經過毋得騷擾又必先行確查賊巢的據賊首姓名然後刻期出師憲慮可謂周詳矣三協遵承方略撫勦兼施萑苻已見肅清祇因難民胡大鉅有賊百餘奔蒲昌之一言公議分道

搜勦而劉應虎則路由黃沙鎮進兵途過田心等
圍陳廷甫等牽牲餽米以餉師旅應虎疑係狡謀
遂執而縛之夫廷甫等卽居近賊巢平日未必無
染而壺漿相迎歡然恐後在應虎就而撫之可也
何遂縛其身破其圍且假稱路獲一人又稱各圍
長獻出路獲一人是何姓名何不令爲鄉導而杳
然不知其所之耶各圍長係何姓名長甯印官躬
自隨營分別畏盜此十二人者何未經該縣一審
耶卽胡大鉅之言亦止稱蒲昌未嘗言及田心田
坑飛龍寨也止曰有賊奔逃蒲昌未嘗指稱賊首
湯子遺書卷八

江西公牘

五七

也今一一坐以都總副總神總大總等名目是誠
何心哉在應虎不過以出師後期無所擒獲則羞
於無功擒非賊首則功亦不大必欲加此十二人
以賊首之名以成克捷之報無乃犯貪功生事之
戒耶况前憲行查賊首無十二人之姓名三協塘
報亦無十二人之姓名則十二人之非真賊可知
矣前虔憲之所以不卽正法而令審明招詳另題
請 旨發落良亦疑其非真賊而慎重之意也因

事關重大再三駁審郭王才等十人相繼斃獄及
本道蒞任接憲文已止存陳廷甫等二人行府廳

確訊又本道當堂嚴究廷甫口供先當庫吏見充里長與原招無異長甯縣印結士民保狀昭然可據陳相元係廷甫之姪素習農業均非賊類彼死者不可復生存者審訊既明似不宜久羈囹圄自當速請釋豁以廣皇仁者也劉應虎已經別案題參見在候審無容另議

移會查驗偽首事

贛州府招詳賊犯藍桂等緣由看得藍桂等一案先經前道嚴參政會審稱其甘心梗化從逆不悛當官兵追勦之時敢於張旗列陣汹汹對敵殺傷

湯子遺書卷八

江西公牘

五

我兵當陣擒獲擬以駢首後經屢招皆稱無容再議矣奉憲批細加研鞫仰見慎重刑獄愛惜民人之盛心敢不逐一細加確究務令狡賊不至漏網良善不至冤斃以副朝廷欽恤至意遂嚴行府廳屢經駁訊各犯口供與前種種互異蓋初經擒獲真情難掩而時日久遠狡謀易生然就其後來口供亦俱言被賊捉去旋爲大兵所獲雖百長先鋒名目與列陣對敵情狀堅不承認要不敢狡飾爲未至賊營也當萑苻肆起地方雲擾遣將出師凡在賊營自皆力而拘之以奏廓清之效何暇問

其爲賊久暫則王勇總等六名賊頭未必盡確脅從的有可據但旣獲於賊營豈敢輕開一面仍照前擬似不爲枉劉赤仔供打芒麻爲生被賊拏去逃出中途過兵擒獲藍桂供挑油爲生被賊拏去鎖打望贖路途遙遠未曾來贖大兵進勦搜之茅蓬鍾大將供強盜破圍拏在賊營五日逃出於龍南地方爲兵擒來此三犯從賊情非得已被獲又非當陣罪疑惟輕似當未減王丙仔年方幼稚且父子被賊所執父受刃而子被擄情屬可憐已奉憲批釋本道無容覆議事關重大伏祈再加詳確

湯子遺書卷八

江西公牘

五

庶免出入之愆

藩差騷擾驛遞兵丁凌辱印官仰祈睿鑒事

贛州府詳兵丁凌辱印官緣由據此本道看得曲龍隨從馬章京奉差過虔勘合止開船九隻水西驛驛丞王諫畏其凌逼已應付至四十隻驛中原簿昭昭可據也曲龍又向縣索船索水手廚役供應等項未滿其愆遂辱罵印官毆打縣役咆哮情狀駭人聽聞闔郡士民忿恨驚惶羣奔控憲蒙憲臺親輿河干馬章京始將曲龍送出龍仍然踞傲至理屈詞窮馬章京用鞭責丐免使當時果有扯

衣搶銀花船之事不知有何如兇暴豈肯默默北
去置搶奪之銀於不問乎待數月之後始爲此抵
飾之計其不足信也明矣平藩法令嚴明料遣發
時必戒諭再三而不意若輩之違犯約束如此衝
繁之驛疲苦已極騷擾之害屢奉 嚴綸申飭遠
方下吏凌辱不堪之狀久在廟堂洞鑒中而此尤
其強橫異常者也據該府會同推官問明將被毆
之郭欽併公呈貢生鍾元亨生員鍾天裕救証居
民蕭君甫郭之標劉芳六人申解前來相應轉解
憲裁定奪

湯子遺書卷八

江西公牘

卒

錢糧不容冒支懇准確查造報設立良法以
垂永久事

甯都縣詳杜兵冒支月糧籲規緣由看得兵以衛
民民以養兵兵民原屬一體文官徵收賦稅以供
兵餉武官操練兵馬以捍封疆文武官亦皆相資
也前因兵餉告絀凡裁汰逃故兵丁奉 旨槩停
募補後因營伍單弱復奉 旨募補足額則知地
方未安不可一日無兵卽不可一日缺餉况虔南

壤聯四省密箐險谷所在皆是伏莽肆起防剿正
殷催督虔餉日勞憲臺清慮地方官員值此風鶴

告警人心洶洶之時竭盡心血猶恐催科不足是必一兵實有一兵之用足折衝禦侮而小民之胼胝汗血不至虛糜也每歲兩季本道奉憲行出其不意密行查點裁汰老弱稽察虛冒造冊報憲達部遵行在案但顧之去甯四百餘里雖單騎迅發亦必四日始達該營則老弱虛冒者仍可預備頂替是有點查之名而未必有稽核之實也但該縣請每月十六過堂查點似又煩瑣難行且拘定日期仍可預備非出其不意密行查點之意也以後除兩季點兵仍候憲檄照常遵行外合無行令該

湯子遺書卷八

江西公牘

李

縣就近或二月一次或一季一次不時馳赴該營照平日領餉冊籍對其年貌查其腰牌逐名稽察如有老弱病廢卽時申報憲臺汰除另補精銳者充伍如此庶營伍無虛糜之餉地方得實用之兵於以彈壓姦宄消弭變亂未必無小補也至於支領月米向例係該營請詳奉憲批允方准就近關支在甯都省解處之費在營伍省領運之苦實爲至便該縣請於候文准領之日該營備造文冊當堂給散似屬可行蓋公堂分散自無剋減之弊且領餉之人卽平日應點之人亦無假冒之弊又使

兵丁知月米皆仰給於縣官亦不至藐視邑令凌
虐鄉民縣官畏兵丁之咆哮自不敢不從公給散
而一顆一粒皆足資飽騰而結心膂矣若夫逃隸
悍僕一入營頭掛名行伍便爾不識主父不畏官
司窩賭放頭強買強賣鎖串禁毆無所不至此係
各營通弊俱奉憲禁飭久矣或營中仍有悍不遵
依者相應再請憲示如以後有此不法聽該縣指
名申報以憑提究可也緣本批查報理合詳議呈
請憲裁

湯子遺書卷八

江西公牘

三

